

Nova trogodišnja strategija Vijeća za regionalnu saradnju Jugoistočna Evropa okreće stranicu

Naša platforma je refleks želje EU da se iskoriste potencijali jugoistočne Evrope, kazao je Bišćević

Daniel OMERAGIĆ

Potencijali za suradnju u regiji su ogromni pod uvjetom da se gledaju ne samo iz nacionalne perspektive nego kao strateška vrijednost cijele jugoistočne Evrope, koja se može iskoristiti na dobrobit svake pojedinačne nacionalne ekonomije.

Ovu ocjenu je izrekao Hido Bišćević, glavni tajnik Vijeća za regionalnu suradnju (RCC), nedavno u Sarajevu na predstavljanju strategije i programa rada tog tijela za naredne tri godine. Već dvije i po godine RCC, kao nasljednik Pakta stabilnosti za jugoistočnu Evropu, pomaže regionalnu suradnju i podržava evropske i evroatlantske integracije. Vijeće je usredsređeno na privredni i društveni razvoj, infrastrukturu i energetiku, pravosuđe i unutrašnje poslove, sigurnosnu suradnju, izgradnju ljudskih potencijala i parlamentarnu suradnju. Njegovu sjedište je u glavnom gradu BiH. Bišćevićeva zamjenika i ujedno šefica stručnog tima RCC-a Jelica Minić smatra da je Sarajevo zbog te činjenice postalo važan centar razvoja regionalne suradnje.

Investicioni komitet

Strategiju i program rada RCC-a za 2011-2013. odobrili su šefovi država i vlada zemalja članica Procasa saradnje u jugoistočnoj Evropi (SECEP). Osmišljeni su tako da odgovore na potrebe regiona i pruže dodanu vrijednost saradnji



Hido Bišćević: Dobrobit za sve

u oblastima od zajedničkog interesa. Strategija je pripremljena u bliskoj saradnji sa Evropskom komisijom i ostalih 45 članica RCC-a. Ključne aktivnosti, ističu u Vijeću, uključuju prenos Investicione komisije za jugoistočnu Evropu sa Organizacije za ekonomsku suradnju i razvoj (OECD) na RCC do kraja naredne godine; izradu studije izvodljivosti o razvoju avio-prevoza 2011-2014; realizaciju Fonda osiguranja od prirodnih katastrofa za jugoistočnu i centralnu Evropu i uspostavljanje mreže regionalnih centara za borbu protiv požara; preoblikovanje inicijative za reformu sektora obrazovanja i prenos ljubljanskog procesa o kulturnom naslijeđu sa Evropske komisije i Vijeća Evrope na RCC početkom 2011.

U oblasti ekonomskog i socijalnog razvoja, kazala je Minić, posebno je bitan transfer i upravljanje



Jelica Minić: Otvaranje tržišta

investicionim komitetom jugoistočne Evrope, koji bi trebalo da harmonizuje investicionu klimu i legislativni okvir u regionu i učini ga atraktivnijim za poslovanje. Iako je bilo najavljeno da će se taj prenos na RCC desiti do konca ove godine, to je pomjereno za kraj 2011.

- Iz regiona smo dobili više sugestija da se ustanove novi finansijski mehanizmi od tehnološkog fonda, koji bi podsticao inovacije na regionalnom nivou, do prijedloga koji je došao iz BiH da se stvori razvojna banka jugoistočne Evrope, pa posebne kreditne linije za žene preduzetnike, rekla je ona.

Vijeće podržava i rad Regionalne organizacije za migracije i jačanje kapaciteta. Tu se, veli Minić, klatno polako pomjera od migracija vezanih za ratne sukobe na prostorima bivše Jugoslavije na problem legalnih i ilegalnih migracija.

- Postoji jedna važna dimenzija, koja još nije toliko politički eksponirana, o potrebi stvaranja regionalnog tržišta radne snage. To je tema za koju se mora stvoriti pravi okvir. Tržište funkcioniše, ali nije regulisano, kazala je Minić.

Ogromni rezultati su postignuti i u bezbjednosnoj saradnji u jugoistočnoj Evropi.

- Kada danas kažete građanima da se sastaju vojne obavještajne službe i da je sljedeći sastanak pred nama, to je nešto što je bilo teško zamislivo prije. Vojne strukture veoma dobro saraduju i razvijaju se mehanizmi za borbu protiv prirodnih katastrofa, kao i onih izazvanih ljudskim faktorom. Tu se saradnja intenzivira i u tome imamo veliku podršku Evropske unije, izjavila je Minić.

Početak realizacije projekata iz trogodišnje strategije RCC-a dolazi kada smo, kako kaže Bišćević, "bez imalo političke naivnosti u širem dijelu regije, ipak, svjedoci politike otoplavanja, približavanja, otvaranja dijaloga, spremnosti na pragmatična rješenja, otklona na frustrirajućih tvrdih pozicija, itd."

- Naravno, regija je i dalje suočena sa cijelim nizom naslijeđenih, neriješenih otvorenih pitanja od kojih neka imaju strateški utjecaj na ukupnu perspektivu regije ili mogu imati. Ali, sa stanovišta našeg Vijeća i interesa svakog dobro namjernog građanina ma koje zemlje ovog dijela Evrope, ta politika popuštanja i otvaranja dijaloga, koegzistencije svih tih razlika ko-

Protiv korupcije

U protekle dvije i po godine učinjen je ozbiljan napredak na regionalnoj saradnji i u domenu pravosuđa i unutrašnjih poslova.

- Kolege u RCC-u su angažovane na izradi zajedničke strategije - platforme za razvoj pravosuđa i unutrašnjih poslova u jugoistočnoj Evropi. To je ogroman zahtev. Spremnost na saradnju je velika kod svih zemalja učesnica, ali i kod internacionalnih partnera i postojećih regionalnih struktura. RCC tu igra ključnu koordinacionu ulogu, a u trogodišnjoj strategiji i dalje će raditi na jačanju saradnje u oblasti sudstva i tužilaštava. Podržavamo postojeće inicijative vezane za borbu protiv korupcije. Tu ima ozbiljnih rezultata, kazala je Minić.

je postoje, otvara nadu da će se moći lakše dogovarati ne samo o tim otvorenim političkim pitanjima nego i konkretna ekonomska suradnja na dobrobit svih građana, rekao je glavni tajnik RCC-a.

Ogromni potencijali

Osnovna filozofija nove strategije RCC-a, veli Bišćević, reflektirana je u sintagmi, koja se po prvi puta pojavila upravo u Sarajevu, 2. lipnja ove godine, na sastanku EU - zapadni Balkan, kada je u izjavi sa tog skupa predloženo da se zemlje regije okupe oko regionalnog plana obnove i ekonomskog razvika.

- Naša platforma je refleks takve želje EU da se iskoriste ogromni potencijali jugoistočne Evrope, koji u znatnoj mjeri do sada - zbog političkih procesa u posljednja dva desetljeća i svih okolnosti koje su itekako poznate - nisu u potpunosti iskorišteni, a u nekim oblastima ni su uopće, kazao je Bišćević.